

ministros tuos ignem vrentem, Abyssus ſicut veſtimentum amictus eius, ſuper montes ſtabunt aquæ, ab increpatione tua fugient, à voce tonitru tui formidabunt, *Pſal. 104. v. 2.* Quibus verbis arguere videtur, quod Iehoua ſit princeps & ſummus imperator, qui tabernaculum ſuum habet in nubibus, cui adminiſtrant angeli tam ignei quam ventoli, & quod nubes, aſpectu ſplendoris conturbari, timere & rugire videantur, ac denique præternaturaliter ſe habere. Tertius gradus progreſſionis à natura aeris inuiſibili ad corpus perfecte miſtum eſt aqua, cuius præcipuum elementum eſt mare, quod etiam cum fluminibus & lacubus aut à bono ſpiritu Iehouæ pacificum redditur, aut à malo Iehouæ ſpiritu perturbatur, & in malum nauigantium excitatur, hinc ait *Pſalmiſta regius. Oceani naues perſringis Euro Pſal. 48. 8.* hoc eſt, vehementi flatu à Samaele ſeu oriente diuina voluntate emiſſo, Et alibi, *Qui conturbas profundum maris, Pſal. 65.* Et alibi agnoſcit mare eſſe excitatum increpatione Iehouæ, & quod mare videns Iehouam profugerit, *Pſal. 114. 3.* Et Iob dicit, *Potentia eius quieſcit mare, & intelligentia ſua perculit elationem, Iob. 26. 12.* Quo videlicet licet, quod Dei ſit tam perturbare quam quietum reddere mare ſeu elementum aquæ. Sed & hoc optime & verbis quidem lucidiſſimis exprimit propheta regius alibi, ſic inquit, *Deſcendentes ad mare nauibus, ipſi vident opera Iehouæ & mirabilia eius, in profundo, dicitque, & flare facit ſpiritum turbinis, & exaltat fluctus eius, aſcendunt uſque ad cælum, deſcendunt uſque ad voragineſ, ita vt anima eorum in malo liqueſcat, lactantur & nutant ſicut ebrii, ita vt omniſ ſapientia eorum abſorbeat, Tunc clamant ad Iehouam in anguſtia ſua, & de anguſtiis eorum educit eos, flare facit turbinem in ſilentium & ſilent fluctus eorum, celebrant Iehouæ miſericordiam, & mirabilia eius filiis hominum prædicant, Pſal. 107. 33.* Hic ergo videtis in primis quod Iehoua ſit imperator omnium poteſtatum, & primus omnium rerum actor atque operator; deinde quod in ſeueritate ſua ſeueriter cum mundi elementis agat propter hominum peccata, ac tum poſtea quod per miniſtros ſuos angelicos agat, qui ſemper ſunt parati, ſecundum ipſorum officium bonum vel malum, ad mandata & placitum Diuinum perficiendum: nam dicit; *Et flare facit ſpiritum turbinis.* At hominum pœnitentia & exclamationibus pro clementia flare facit turbinem tumultuoſum, hic autem turbinis ſpiritus eſt ventus angelicus, ſeueritatem Dei in mari exequens, qui iubente Iehoua non aliter in internum maris & lacuum ſpiritum more infano, tumultuoſo & furioſo agit, quam malus ille Iehouæ ſpiritus in ſpiritum internum aereum ipſius Saul, aut dæmonium legio dictum in obſeſſo illo, quod virtute Ieſu eiectum in pœccos eſt ingreſſum, aut in epilepſia peſſima vexatis, qui tumefcunt timore magno, ſpumam eiiciunt ab ore, aut in illis qui rabido illo morbo Lycanthropia dicto affecti ſunt, qui violento more huc atque illuc iactitantur atque feruntur, ſic agit ſpiritus ille violentus cum ſuis legionibus, in mari, & lacubus, & ſtagnis, &c.

Denique quoniam terra eſt groſſior pars aquæ, ad illam iam peruenimus, quam etiam malis Dei ſpiritibus quandoque eſſe iactatam atque percuffam dicimus. Hinc ait Pagina ſacra. *Concutitur ac mouetur terra, fundamenta cælorum commouentur, concutitur autem cum ira accenditur ei: 2. Sam. 22. 8.* Et alibi, *Terram commouet Deus è loco eius, adeo vt columna eius contremiſcant, montes transfert, Iob. 9. 1.* Et alibi *Terra intente Deo tremuit, & attingente ipſo montes fumant, Pſal. 104. 32.* At vero in tali Dei actu vitur ipſe miniſtris ſpiritualibus ad illud opus deſtinatis, qui iubente præfecto angelico terram quatunt, hiatus ingentes in ea producant, ignes ab eius viſceribus euomunt, & multa alia tremenda in terra patrare ſolent. Hinc etiam irascente Deo ob Iudæorum impietatem dictum eſt, *Ecce terramotus magnus factus eſt, angelus enim Domini deſcendit è cælo, erat autem aſpectus eius ſicut fulgur &c. Matth. 28. 2.* Quandoque etiam per vindices ſuos angelos ignem & ſulphur dimittit Iehoua in terram, quo ſubuertitur, & præternaturaliter pertractatur; *Et dimiſit (inquit Genetiſ) Iehoua ſuper Sodom & Gomorrha pluuiam ſulphuris & ignis è cælis, ſubuertitque ciuitatem & planitiem totam, & omnes incolas, & fatum terræ, &c. Gen. 9. 24.* At vero quod angelis ſuis uſus ſit Iehoua in tali negotio in contextu illo ipſo explicatur. Et alibi dicitur, *Sale & ſulphure aduſta eſt terra, vt neque ſeri neque pullulare poſſit, neque prouenire in ea vlla herba &c. Deut. 49. 23.* Quod quidem Iehoua mediantibus miniſtris produxit habitatoribus terræ, propter eorum peccata. Et alibi, *Efficiet Iehoua vt terra tua ſit puluiſculus, ſeu puluis è cælis deſcendet ſuper te donec exſcindaris, Deut. 28. 23.* Porro etiã & in alio loco dicit *Pſalmiſta, Terram fructiferam in ſalſuginem conuertit, propter malitiam hominum habitantium in ea, contra, ponit deſertum in ſtagnum aquarum & terram deſertam in exitus aquarum &c.* Quibus arguere videtur quod in ſeueritate ſua tam reddat Deus terram ſiccã & ſterilem quam nimia aquarum inundatione ſuffocãtam, propter peccata hominum: quod etiam ipſe per miniſtros ſuos facere traditur à Cabaliſtis & in myſteriis Dei profundioribus verſatis.

Nam vt ipſi elementis præfectos angelicos deſtinauerunt, videlicet *Seraph* igni, *Cherub* aeri: *Tharſis* igni, & *Ariel* Terræ, qui boni ſunt duces, ita quidem & ſub iis maligni et agunt 4. ſpiritus maleuoli, videlicet *Samael* ex parte ignea, *Azael* ex parte aerea, *Alzael* ex parte aquea, & *Mahazael* ex parte terrea, ſub quorum imperio (vti antea dictum eſt) multi ſunt dæmonum inferiorum ordines. Quare & tempeſtates igneæ & lucidæ cum cometis talibus ab angelis igneis procedunt; ſic ab angelis aereis impreſſiones aereæ, vt ab aqueis quæ aquas perturbant, & terreorum ſpirituum eſt, vt teſtatur *Pſe lus*, efficere hiatus terræ & fundamenta concutere, flammiumoſque ventos ſurſum emittere.

Cacodæ-